

## BOCHOR REAK 17AK AṬHWAR

### Onor

Kristre ađi manotan đulariđ Go-Baba,boeha-miserako- jotoko Jisu marań

Teheń do bochor reak miť gel eyaeak aṭhwar kana.

Ceť leka Musā do hahańkar re, gadel hořko mannae jom oculeťkoa, onka ge, Teheń do bhage sombatre, Jisu hotete moře hajar hořko moře goťec piṭṭa ar barea haku teć jom bioculeťkoa.a Niā hotete, Girjā do noageye ceťabonkana je sanam isađ boeha-miserako do, Jisu leka dani hoyok jarurtabona jemon miť eťak boeha-miserakoak reńgeć-tetańbon bujḥau, rak- homorbon ańjom, meť dakbon nel nam, hiska-hulań bon aťkar namte đulařbon sirjau. kDharti cetan re eken dhartiteak jom-nui moto do bań menkhan serma teak sonot piṭṭa ho ađi jarurgea. Jisuak sonot piṭṭa rege saři join menaka.

### Pahil Pať

Rjakoak dosar puthi khon pahil pať 4:42-44

[42] Bak'al Salisa khon mit'ten hoř do Isorren hoř lađit' pahil samťaoak' phosol khon bargel goťec' jao reak' piṭṭa ar ona saote thořa thruđi nāwā phosol hōe ađu darakeda. Elisaeye menkeda, "Noa do jom lađit' hořko haťińakome." [43] Unre uniren gutiye menkeda, "Mit'sae hořko samańre ona do cekateń dohoya?" Elisaeye roř ruarķkeda, "Onage jom lađit' haťińakome, ente Probhu Isore meneda, 'onko do onako joma ar thořa do sareć' tahena.' "

[44] Unre uni guti do hořko samańre onae dohokeda. Ar Probhu Isor okae menlet' onkageko jomket' tayom arhō ṭhořa do sareć' tahēyena.

### Dosar Pať

Ephesiko then Sonot Pałulusak ciťi 4:1-6

[1] Onate Probhu Isorre kađi akanic' iń nehōrape kana, Isor oka lađit'e hohoakawat'pe ona reak' lek leka colonpe. [2] Apeak' colon do jemon purate nindḥan ar mańhir hoyok'. Sombhuripe ar đulař monte mimit'ko tuluc' sapahaok'pe. [3] Ar okaťak' suluke mit' ocoakat' bon ona suluk hotete sonot Jiu reak' midok' dohoy lađit' kurumuťuipe. [4] Isore hohoakat'pe iate apere eken mit'tec' asge menak'a, mit' hořmoge menak'a ar mit' sonot Jiuge menaea, [5] mit'ten Probhu Isorge menaea, mit' patiage menak'a, ar mit' baťtismage menak'a, [6] ar sanamkoren Isor Baba hō onka leka mit' goťenge menaea. Unige sanamko cetanre, sanamko talare ar sanamkoak' ontorre menaea.

### Bhage Sombat

Johan 6:1-15

[1] Ona tayom Jisu do Gałil doreāo hanasae parom calaoena. Noa doreāoge Tiberias doreāo hōko metak'kana. [2] Ar ađi uťar hoř do Jisuko pańja idikedea, ente rugiko cetanre cinḥa kađi lekate okako hahařa kađiye kađi akat' tahēkan onko do onakoko nelakat' tahēkana. [3] Ado Jisu ar ac'ren celako do mit'tec' burure rakap'enteko duřup'ena. [4] Unre Jihudikoak' bańcaok'

porob hõ sor hec'akan tahëkana. [5] Ado Jisui beñget' rakap'ket' khan gadel hoř ac' then hijuk'kane nelket'koa. Uni do Philipe metadea, "Noko hoř jom ocoko lađit' piřha do oka khon bon kiriñ ađukea?" [6] Uni do Philip biđaue lađit' noa kathae metadea, ente cet'e cekaea ona doe bađaekan tahëkana. [7] Philip do Jisui metadea, "Onko mimit' hoř jauđic'kateko namlere hõ bar sae Dinar reak' piřhate ohoko anđaolena." [8] Jisuren celako modre mit' hořak' nutum do Andreas tahëkana. Uni do Simon Patrasren boehae tahëkana. [9] Uni do Jisui metadea, "Nonđe mit'ten huđiñ kořa then barea kađic' hako ar mõřẽ gođec' jao reak' piřha menak'a, menkhan noate nunak' hořak' do cet' hoyok'a?" [10] Jisui menkeda, "Hořko duřup' ocokope." Ona jaegare đher ghãs tahëkana. Onate gadel hoř do ona cetanregeko duřup'ena. Onđe do mõřẽ hajar herel hořko tahëkana. [11] Ona tayom Jisu do onako piřha atańkate Isore gun manao joharadea ar duřup' akankoe hađińat'koa. Onkage uni do hako reak' hõe emat'koa. Ar okoe tinak'ko khojket' unak'geko namkeda. [12] Adoko jom biyen khan Jisu do ac'ren celakoe metat'koa, "Sarec'ak' kecak'ko halań jarwaepe jemon cet'ge alo nořtok'." [13] Adoko jomket' tayom ona mõřẽ gođec' piřha reak' okako kařra kuřra sarec' tahëkan celako do onako halań samtaoket'te gelbar pađiađ'ko perec'keda. [14] Jisuak' noa hahara kami nelte gadel hořkoko menkeda, "Dhartite okoetak' nađi hijuk' reak' katha menak'tae sařige uni nađi doe nuikangea." [15] Noate Jisui bujhaekeda, hořko do raje lađit'ko jormođe lađidok' kana. Onate ac' eskarge uni do arhõ ona buruteye rakap' calaena.

## Dhorom Galmarao

Kristre ađi manotan đularia Go-Baba,boeha-miserako- jotoko Jisu marań

Teheńak bhage sombat do joto bhage sombatre olakana. Niđ do sanam bhage sombat reak' sakam re nelokkkana. Niđ hahara kami do sanam bhage sombat re menaka. Niđ bhage sombat hotete aema bhage sikhauñabon nel nametkana.

**1. Isor doe đanigea:** Teheń din reak' Pařko hotete, Isor do noa kathae sodorakbon kana je aboren Isor do jogao-jotońic Isor kanae, kulau-julauić Isor kanae. Aboren Isor do Sanam hořko dayae udukakokana. Pađil pařrebon anjomkeda je Eliyash nabi do bar gel piřhate miř sae gadel hořko jom bioculetkoa. Manaađat' chinta bhabna okte rehõ, Isor do, hořko lađit' jomake sapraoetkana. Isorak' thonok ar hahara kami do manaađak' mēt te ba nel namokkaan reho, pađiađ' reat' mēt te nel namokkana. Isor do ac'ren gidrađo lađit' jiniskoe jogaoetkana. Isor do ac'ren gidrađoak' rak'-homore anjometkana.

**2. Gořo-gopořo ar hađiń reak' sikhaua:** Eliyash nabi do miř etak' hoř hotete, piřhae namkeda ar uni onae hađińket' te, hahara kami purau lena. Bhage sombat re hõ, miřten kořa gidra do, acak' piřhae hađiń kekte, miřten hahara kami, Jisu hotete puraukana. Kađic' gidra then ađI aema do bań tahëkana, menkhan hađiń karonte marań hahara kami nelnamna. Uni gidra do tisge bae hudisakat' tahëkana je uniak' hađińte, nonka hahara kami hoyoka.

Manwa jion re, kađic'- kađic' dan kamige, miř din miřten lađu kami benao rakapboka. Hađiń reak' kami do gořo-gopořo reak' kami kana. Hađińte ge đular salgaočkana ar hađińtege, đular sodorokkana.

Hađińte abo do ontor re kusi- řařabon atkaretkana ar okoekobon hađińakokan onkoaađ' koejoń binti reak' ashirbad do abokobon nametkana.

Hađiń do eken pařsa taka do bań kana. Miřten manwa do pařsa moto do bań menkhan समय, bud-akil ar gořo-gopořo ko hõ kana.

**3. Manwa gharónj benao rakap:** Manwa gharónj benao rakap do aboak lek kami kana ar manaa gharónj do goro-goporotege benao rakapbokkana. Manwawak muskilak do manage samdhan jarur taea. Rua- hasu re goro, reñgeç-tetañ re goro, kam-kajre goro ko hotete, manaa do naaa gharónje benao rakap dareyaka. Sanam isai boeha-miserako do, pahil isai boeha-miserako khon sikhuna hatao jarur okoe do sanamak hatin kateko hara-buruyen.

#### **Nehor Koe**

E Baba Isor, ale do aleren Girjaren Gukpiko lagit'le nehorokkana, dayate amak bhor dante pereckakome jemon Jisu leka manwa sewa re jionko kemaoma. Girjaren boeha-miserako bhajai lagit'te ar Isorak dahar re sanamko ayur lagit' te, nijak sanamako dea gidiete, bhage namunako uduk. Noa lagit' debon koema.

#### **E Baba, Isor Baba aleak koe-nehor anjomtaleme.**

E Baba Isor, ale do aleren naekeko, dhorom somajren joto sisterko lagit'le koeyet'kana, amak sahaj dante de pereckakome jemon niraj dangua tahente, nijak danguatet' kharsalak monte, Isor thenko samañ. Noa lagit' debon koema.

#### **E Baba, Isor Baba aleak koe-nehor anjomtaleme.**

E Baba Isor, ale do sanam manwa lagit'le nehorokkana, dayatamte lahaj-jhogra, hiskahulan metaome, bene- bairi topakme ar sari dular de janamme, jemon manwa talare helmel taken ar dharti re sari suluk pasnao. Noa lagit' debon koema.

#### **E Baba, Isor Baba aleak koe-nehor anjomtaleme.**

E Baba Isor, ale do ale atu-tolaren juan koraj - kuriko lagit'le koeyet'kana, dayatamte amak sahajite pereckome jemon somaj lagit'ko kamiete manaa ko lahanti reak dahar reko ayurko. Noa lagit' debon koema.

#### **E Baba, Isor Baba aleak koe-nehor anjomtaleme.**

E Baba Isor, ale onko sanam isai boeha-miserako lagit'le koeyet'kana okoe do Isor khonko pharakakan, amak dular reak marsal unko de jhalkaome jemon am sari Isorko seira nammemma. Noa lagit' debon koema.

#### **E Baba, Isor Baba aleak koe-nehor anjomtaleme.**

E Baba Isor, ale do nonde hajirakan sanam bisasiko lagit'le koeyet'kana daya kate bengetakome jemon dani horok hoyokte dharti re dular sarsau. Noa lagit' debon koema.

#### **E Baba, Isor Baba aleak koe-nehor anjomtaleme.**